

Morning Dogri (NSD) Bulletin 14-April-2026

आकाशवाणी

खबरां जितेन्द्र सिंह कोला

खास-खास खबरां:-

1. प्रधानमंत्री होरें दिल्ली- देहरादून आर्थिक गलियारें दा उदघाटन करगंन।
2. सरकारें पूंजी निवेश गी बढ़ावा देने लेई 10 ज्हार करोड़ रपे दे स्टार्ट-अप इंडिया फंड 2.0 दी अधिसूचना जारी कीती ऐ।
3. भारत च ईरान दे राजनयिक होरें मुश्कल समें च इक भरोसेमंद ते सहानुभूति आला हिस्सेदार होने लेई भारत दा शुक्रिया अदा कीता ऐ।
4. अमरीका दी नौ-सेना नै ईरान दी बंदरगाहें ते समुन्द्री कंडे आले इलाकें दी घेराबंदी शुरु करी लैती ऐ।
5. भारत अज्ज डाक्टर बी.आर. अम्बेडकर होरें गी उन्दी 136 जयंति पर उनें गी चेता करा'रदा ऐ।
6. IPL टूर्नामेंट च कल खेड्ढे गेदे इक मैच च सनराईजर्ज हैदराबाद नै राजस्थान रॉयल्स गी 57 रन्ज कन्नै हराई दिता। अज्ज चिन्नेई सुपर किंग्स दा मुकाबला कोलकाता नाइट राईडर्ज कन्नै होग।

<><><><><><>

PM- Delhi

प्रधानमंत्री नरेन्द्र मोदी होर अज्ज देहरादून सवां दिल्ली देहरादूर आर्थिक कॉरिडोर दा उदघाटन करगंन ते तिहरी च बक्खरी-बक्खरी गति पर चलने आले मुखें दे पैहले इक ज्हार मेगावाट समर्थ आले पम्पड भंडार संयत्र दा बी उदघाटन करगंन। दिल्ली देहरादून

आर्थिक कॉरिडोर कन्ने मुख-मुख सैलसफा ते आर्थिक केन्द्रें बशकार सम्पर्क च बाददा होग- जेदे कन्ने कारोबार ते विकास दे होर मौके पैदा होगंन ते इलाके दी आर्थिक प्रगति गी होर बल थहोग। साहड़े संवाददाता नै आखेआ ऐ जे इस परियोजना कन्ने प्रधानमंत्री नरेन्द्र मोदी हुंदे अगली पीड़ी आले मूल ढांचे दा विकास करने ते पर्यावरण दी सुरक्षा करदे होई लोके दे जीवन दे म्यार च सुधार करने सरबंधी दृष्टिकोण दा पता लग्गदा ऐ।



Start-Up

केन्द्र सरकारै देसै दे स्टार्ट-अप ढांचे च रासपूंजी गी बढ़ावा देने दे मकसद कन्ने 10 जहार करोड़ रपे दे कोष कन्ने दुए गेड़ दे स्टार्ट-अप इंडिया फंड of Funds अधिसूचित करी दिता ऐ। बंज बपार मंत्रालय नै गलाया ऐ जे इस योजना तैहत रासपूंजी वैकल्पिक निवेश कोष पर आधआरित होग। ए Deep Tek स्टार्ट-अप ते शुरुआती विकास चरणे सनें प्राथमिकता आहले क्षेत्रें दा समर्थन करगंन। मंत्राल नै दस्सेया ऐ जे लघु उद्योग-विकास बैंक SIDBI अधिसूचना दी तरीक थमां अमलावरी एजेंसी दे तौरा पर स्कीम दा संचालन रम्भ करोग। ए योजना आर्थिक मजबूती बदाने- विनिर्माण समर्थां गी बढ़ावा देने- रोजगार दे मौके पैदा करने ते भारत गी वैश्विक नवाचार केन्द्र दे तौरा पर स्थापत करने च योगदान देग।



Iran Ambassador

भारत च ईरान दे राजदूत डाक्टर मोहम्मद फताली होरें मुश्किल समें च भरोसेमंद ते सहानुभूति जाहिर करने लेई भारत दे लोकें ते सरकार दा धन्नवाद कीता ऐ। नमी दिल्ली च पत्रकारें कन्नै गल्लबात करदे होई डाक्टर फताली होरें इस मुश्किल समें च सब्बै जरूरी बंदोबस्त करने ते सुविधा देने लेई सरकार दा धन्नवाद कीता। राजदूत होरें आखेआ जे भारत ते ईरान दे सांझे हित न ते भविक्ख च बी दौनें बशकार खरे सरबंध कायम रौहगंन।



US Navy

अमरीकी नौ-सेना नै ईरान दे सब्भै बंदरगाह ते समुन्द्री इलाकें दी घेराबंदी करना शुरु करी दिता ऐ- जेदे च Strait of Hormuz बी शामिल ऐ। अमरीकी फौज नै ईरान दे बंदरगाहें पर औने ते जाने आहलें समुन्द्री जहाजें गी रोकना शुरु करी दिता ऐ पर एदे च Strait of Hormuz थमां होरनें दूई थाहरें गुजरने आले समुन्द्री जहाज शामिल नैई ऐन। ईरान दी इस्लामिक रैव्यूशनरी गार्ड कापर्स नै आखेआ ऐ जे Strait of Hormuz आली बक्खी औने आले कुसा बी फौजी जहाज गी युद्ध विराम दी खिलाफवर्जी मन्नेआ जाहग ते जवाबी कारवाई कीती जाग। ईरान दी फौज नै आखेआ जे अमरीकी घेराबंदी दे जवाब च Persian Gulf ते Gulf of Oman च बंदरगाहें दी सुरक्षा उप्पर सिद्धा खतरा मंडरा करदा ऐ। दूए पाससै बरतानिया दे प्रधानमन्त्री Keir Starmer होरें आखेआ ऐ जे Strait of Hormuz च अमरीका आसेया कीती जा रदी घेराबंदी च लंडन दी कोई शमूलियत नैई ऐ ते उन्दा मुख्य ईरान कन्नै इस तनाजे च शामिल नैई होना चाहंदा।

उनेँ ए ब्यान ईरान आसेआ Persian Gulf ते Gulf of Oman उप्पर हमला करने दी धमकी मगरा दिता ऐ।



PM –Ambedkar

प्रधानमंत्री नरेन्द्र मोदी होंरे डाक्टर अम्बेडकर होंरे गी उन्दी जयंति पर चेता कीता ऐ। इक सोशल मीडिया पोस्ट च श्री मोदी होंरे आखेआ जे देश दे निर्माण लेई श्री अम्बेडकर हुंदे प्रयास बड़े प्रेरणादायक न। उ'नेँ आखेआ जे उन्दा जीवन ते उंदा कम्म न्यांप्रिय ते तरक्की पसंद समाज दे निर्माण लेई नमीं पीड़ियेँ गी प्रेरत करदा रौहग। उ'नेँ अग्गे आखेआ जे उन्दा व्यक्तत्व ते उन्दा कम्म राष्ट्र निर्माण लेई म्हेशां प्रेरणादायक रौहग।



Prez -Ambedkar

राष्ट्रपति द्रोपदी मुरमू होंरे बी.आर. अम्बेडकर हुंदी जयंति दे मौके पर देशवासियेँ गी ममारखबाद दिती ऐ। अपने इक सनेह च राष्ट्रपति होंरे डाक्टर अम्बेडकर होंरे गी चेता करदे होई उनेँ'गी न्यायधीश- आर्थिक मामले दे विद्धान- बुद्धिजीवी दस्सेया ते इक बरोबरी आले समाज दे ओ हक्कै च हे। उ'नेँ आखेया जे उ'नेँ अपना जीवन समाज दे दबोए-लतड़ोए दे लोकें दे उत्थान लेई कम्म कीता। राष्ट्रपति मुरमू होंरे एब्बी आखेया जे उ'नेँ समाज च फर्को-फर्की गी दूर करने लेई कम्म कीता- सगुआ मुल्खा दे लोकतांत्रिक मुल्येँ गी बी मजबूत करने बक्खी कम्म कीता। उ'नेँ महिलायेँ गी शिक्षा

देने- उन्दे अधिकारें लेई बी कम्म कीता ते आखेआ जे उन्दा योगदान औने आहली पीड़ियें गी प्रेरित करदा रौहग। इस मौके उ'नें हर कुसै गी डाक्टर अम्बेडकर हुंदे उपदेशें गी अपनाने ते मुखै दे निर्माण बक्खी कम्म करने दा आहवान कीता।



IPL

IPL क्रिकेट च कप्तान इशान किशन आसेआ खेड्डी गेदी 91 रन्जे दे पारी ते प्रिफूल हिंजे ते साकिब हुसेन आसेया 4-4 विकटें दी मदाद कन्नै सनराइर्जज हैदराबाद नै जंदी राती राजीव गांधी अंतराष्ट्रीय मैदान च राजस्थान रॉयल्स गी 57 रन्जें कन्नै हराई दिता। पैहले बल्लेबाजी करदे होई सनराइर्जज हैदराबाद नै 6 विकटें दे नुकसान पर 216 रन्ज बनाए। लक्ष्य दा पिच्छा करदे होई राजस्थान दी टीम 19एं ओवरें च 159 रन्जें पर आउट होई। अज्ज चिन्नेई दे एम.ए चिदम्बरम स्टेडियम च चिन्नेई सुपर किंग्स दा मुकाबला कोलकाता नाइट राइडर्स कन्नै होग। मैच संजा साड्डे 7 बजे शुरु होग।

